

Шарма гор

Кузь нэм да бур шуд!



гор

Эжва йывса войтырлөн газет

Пето 1929 восянь

Четверг, 2013 вося сентябр 26 лун 115 (10702)-өд №

Төв помыс кузь, ставыс сёйсяс (коми шусьөг)

Эжва йывлөн слава

Галина Михеевна Лодыгина



Чужис 1940 вося октябр 21 лунё Шойнатын. Увйысис да комендант-таліс «Усть-Куломскій» леспромхозлөн Носимса лесопунктын.

Верёсыскөд быдтіс да велөдіс 2 челядьёс.

Уна вося бур уджысь сетісны «Уджывса ветеран» медаль, уна почёт грамота да аттьёалан гижөд.

Олө Пасомын.

АСКИ ВОСПИТАТЕЛЬСЛӨН ДА ДЕТСАДЪЯСЫН УДЖАЛЫСЬЯСЛӨН ЛУН



ТӨДӨЙ, МЫЙ ВЫЛЫС

ГОЖСЯ УДЖЛЫ КЫВКӨРТӨД

«Пожог» кооператив вочис кывкөртөд турун заптөмлы. Урчитөм 1000 тонна сенаж дорё содтөд вочис 5 тонна. Силос гуё сойис 1070 тонна веж масса, коланасы 10 тонна вылө унджык. Заптис 333,25 тонна турун.

МОГМӨДАС УНДЖЫКӨС

Бара босьтчис могмөдны поткөдлөм пескөн ас вылө уджалысь С.А.Липин, коді колбөм воын ашөр удж восьтөм кузя балаөн петіс вермысьён районса конкурсын да босьтис грант, ньобіс пес пилитан да поткөдлан установка.

Гожөмнас вочис лэбув, дзоньталіс машина, мыйсюрё вежыштіс да бурмөдіс установкаысь, медым сійө кутіс уджавны өйдөджык. Оні тырвыйö дась могмөдны поткөдлөм пескөн унджыкөс.

СЕТӨНЫ ЗУМЫД ТӨДӨМЛУНЪЯС

Мысса школа, көні тавоөдз велөдісны 9 классөдз, сетө аслас быдтасьялы бур төдөмлунъяс.

Кольөм воын кыкөн пырисны велөдчыны Коми республикаса юралысь бердын искусствояслөн гимназияö, өти — физико-математическөй лицейö. Таво 7-өд класс помалөм бөрүн нөшта кыкөн восьтісны гимназиялысь өдзөссө.

ДАСЬТӨ СЛУЖИТИГКЕЖЛӨ

Республикаса военкоматлөн Кулөмдінса юкөн Сыктывкарса ДОСААФ-ын велөдіс 25 мортөс водительö.

Кыкөн на пиысь 9 класс помалөм бөрүн, 15 морт сулаліс уджөн могмөдан шөринын учёт вылын. Военкомат вештіс зонъялы мунөм-локтөмысь, олөм-вылөмысь, уджөн могмөдан шөрін - бурдөдчанінын дзоньвидзалун видлалөмысь, нөшта сетіс сьома отсөг.

Ноябрын зонъяс, кодъяслөн бур дзоньвидзалун, мунасны армияö.

БОСЬТІСНЫ ГРАНТЪЯС

Югыдъягса культура керка да челядьлөн шөр библиотека петкөдчисны да вермисны культура министерствоөн котыртөм конкурсын.

Кыкнанныслы вичмис 100 сюрс шайт вылө грант, кодөс веськөдасны уджө водзö сөвмөдөм вылө. Пасьям, кык учреждениеос донъялісны куим вося удж серти.

ЮРГИС КӨЛЫСЬ

Мысын чужис выль семья: гижисны Мария Николаевна Паршукова да Станислав Иванович Ракин.

Тайö во вылө сиктын витөд көлысь нин. Чужис куим кага, во помөдз чужас нөшта на некымын.

КОЛӨ ВЕШТЫНЫ АС КАДӨ

Сентябр 9-13 лунъяё Россия Федерацияысь пытшкөсса делөяс министерстволөн районса юкөн нуөдіс «Штрап» нима удж.

Полицияса уджалысьяс кутісны найөс, кодъяс торкисны административной право - эз ас кадө вештыны штраф. Татшөм йөз вылө лөсьөдісны 28 сюрс шайт вылө 112 административной делө. Перйисны 97 делө кузя 25600 шайт.

Суд видлаліс 49 материал, 21 мортлы индіс 21 сюрс шайт вылө штраф, пуксьөдіс дзескыдіно 28 мортөс.

Асланым да общ. корреспондентъяс, районлөн сайт вылысь.

- Быд кагалөн эм аслысөлөслун. Сійөс колө казавны. Кагаөс колө радейтны сэтшөмөн, кутшөм сійө эм. Быдтыны-велөдны, мед сійө вөлі шаньён, бур сьөлөмаөн, вежавидзысьён, бур мывкыдаөн, мед оз ло веськөдён йөз шог, чужанін, олөмаяс да мукөдтор дорө, - со тадзи аслас удж да быдтасьяс йылысь висьталіс өкмьсөд номера Кулөмдінса садйысь воспитатель Ираида Леонидовна Зезегова.

Буретш татшөм велөдан туйвизь серти быд велөдчан во кезлө лөсьөдө бала. 2011 воын петкөдчис «Вося воспитатель» районса конкурсын да лоис медся бурөн. Таво воспита-

тельяслөн республикаса конкурс вылысь бергөдчис дипломөн. Уджалан сямөн да төдөмлунъясьөн юксьө семинаръяс, восьса занятияс вылын.

Таво Ираида Леонидовналөн школаб пырысьяслөн группа. Бурө велөдөм кындзи төдмөдө коми йөзлөн важса оласногөн, культураөн, кутшөмөн комияс вөліны да и өні на сэтшөмөсь - восьсаөсь, шаньөсь, зільөсь. Быд асыв челядь окоташпырысь локтөны мөд мам, воспитатель дорө, код кывгүтө налөн олөм вөсна да төждысьө бать-мам моз.

Гижөд да снимок Марина ДАДАШОВАЛӨН.

ЧОЛӨМАЛӨМ

Садъясын пыдди пуктана уджалысьяс, воспитательяс, школадз велөдан юкөнса ветеранъяс! Пöся чолөмала удж кузя праздникөн - садъясын уджалысьяслөн да воспитательяслөн лунё!

Ыджыд аттьө тияны уджысь, зонпосниөс өна радейтөмысь, өд быд кагалөн шуда челядьдыр да водзö олөм тиян мывкыдлун да кутчысьөм сайын. Бур уджалан сям отсөгөн быд лун ті вөчаннуд кыпдөн, гажаөн. Ті пуктаннуд уна вын-эбөс ичөтик мортөс сөвмөдөм, ышөданныд сійөс лоны шаньён, ылөдчытөмөн, быдтор төдны көсьысьён, чужан му радейтысьён.

Став сьөлөмсянь сиа тияны дзоньвидзалун, шуд, нимкодлун, кыпыдлун да быд босьтчөмын вермөмъяс!

Велөдан управлениеса начальник О.А.ХОЛОПОВ.

«ТЕЛЕКАРТА HD» — у вас будет

и телевидение высокой четкости

ТЕЛЕКАРТА HD

ГЛАВНЫЕ ПРЕИМУЩЕСТВА СПУТНИКОВОГО ТВ

- здесь показывает родной телеканал
- доступный комплект оборудования ТВ высокой четкости
- абонентская плата за телевидение высокой четкости от 600 рублей в год
- возможность настроиться на другое спутниковое ТВ без замены оборудования*

Свидетельство о регистрации СМИ телеканал «Юрган» ЭПНТУ 11-0155 от 29.06.2012 выдано Федеральной службой по надзору в сфере связи, информационных технологий и массовых коммуникаций (Роскомнадзор) от 29.06.2012 № 25369 от 31.07.2012 на осуществление телевизионного вещания. Выдана Федеральной службой по надзору в сфере связи, информационных технологий и массовых коммуникаций (Роскомнадзор) от 29.06.2012 № 25369 от 31.07.2012 на осуществление телевизионного вещания. Выдана Федеральной службой по надзору в сфере связи, информационных технологий и массовых коммуникаций (Роскомнадзор) от 29.06.2012 № 25369 от 31.07.2012 на осуществление телевизионного вещания. Выдана Федеральной службой по надзору в сфере связи, информационных технологий и массовых коммуникаций (Роскомнадзор) от 29.06.2012 № 25369 от 31.07.2012 на осуществление телевизионного вещания.

